



et komp

59460

III Mag. St. Dr.

Orthobowice Greg. Quæstio de reproductione.



✠
D. H. D.

QVÆSTIO DE REPRODVCTIONE.

Ex Capite vltimo Libri Secundi de Generati-
one & Corruptione
desumpta atq; 59460


SVB FELICIBVS AVSPICIIS

Magnifici, Perillustri & A. R. Dñi.

D. M. SIMONIS MAKOWSKI

Collegæ Majoris, Sacræ Theologiæ Professoris,
Ecclesiæ Collegiatæ S. FLORIANI Canonici,
S. R. M. Secretarij, &c. &c. nec non
Almæ VNIVERSITATIS

ACADEMIÆ CRACOVIENSIS

 Generalis ac vigilantissimi
RECTORIS.

^A
M. GREGORIO OCHABOWICZ

*Philosophiæ Doctore ejusdemq; de Minori Collegio Professore
Pro ingressu ad Majus Collegium
Publicè*

In Peraugusto DD. Theologorum Lectorio.
Anno Reparatæ Salutis Humanæ M.DC.LXXV.
Pridie Calendarum Septembris ab hora 12.
ad trutinandum

PROPOSITA. O

CRACOVIAE, Typis VNIVERSITATIS.

Q V Æ S T I O.

V. Res veræ Corruptioni obnoxia, qvalis est sola sublunaris tam permanens quàm successiva, possit dum est corrupta, per aliquam Virtutem reproduci eadem Numero. Nec ne?

C O N C L U S I O I.

Datur vera & propria Corruptio in rerum natura.

C O R O L L A R I A.

- I. *Præter Corruptionem secundum quid, seu accidentalem, admittenda est Corruptio simpliciter seu Substantialis.*
- II. *Corruptio propria non modo passivè, sed etiam activè sumpta distinguitur à cæteris mutationibus, licet non eodem modo.*
- III. *Corruptio est per se intenta à Natura, licet non per se primò, nec à Natura particulari.*
- IV. *Dum aliquid verè & propriè corrumpitur, fit resolutio usq; ad Materiam primam.*
- V. *Opinio tollentium è rerum Natura, veram & propriam Generationem, falsa est.*

C O N C L U S I O II.

Omnis & sola res Sublunaris dum corrumpitur, lege naturæ corrumpitur necessariò.

C O R O L L A R I A.

- I. *Quodlibet ab intrinseco corruptibile secundum se totum, habet determinatum suæ durationis terminum.*
- II. *Vita ac durationis periodus, ultra terminum virtutis intrinsece Complexionis aut temperamenti, nulla arte aut vi naturali prolongari potest.*
- III. *Quod per aurum potabile arceatur Senectus, est mera Alchimistarum jactantia.*
- IV. *Si verum est, quod Senibus quibusdam juvenita redierit, id non fuisse factum naturaliter, censendum est.*

- V. Quod homo si permansisset in statu innocentie, non fuisset corruptioni obnoxius, id habuisset, non ex vi & condicione sue nature, sed ex dono immortalitatis condicionato.*

CONCLUSIO III.

Res permanens verè & propriè corrupta, hæc eadem numero per virtutem *Causarum secundarum*, nulla reproduci potest.

COROLLARIA.

- I. Falsum est Platoniorum dogma, existimantium omnia quæ ab initio fuerunt, eadem numero, & eodem ordine reditura esse, redeunte Anno magno.*
- II. Improbabilis est Richardi & aliorum sententia, quæ aliquos effectus totaliter destructos, eosdem numero, naturaliter posse restitui affirmant.*
- III. Quod Pelecanus pullos suos à serpente occisos, sanguine suo revocet ad vitam, fabulosum est.*
- IV. Dato, non concesso, quod Phoenix ex suo cruore, vel (ut alij volunt) ex sua carne putrefacta, aut ex suis cineribus generetur; non tamen is idem numero sed solum idem specie reparatur.*
- V. Quæcumq; videntur reviviscere in Vere, ea non verè sed apparenter tantum moriuntur in hyeme: quod idem de animalibus ex Scrobe Charonea extractis emortuis, ac postea resuscitatis dicendum est.*

CONCLUSIO IV.

Quælibet res permanens verè corrupta, per virtutem *Causæ Primæ*, potest reproduci eadem numero.

COROLLARIA.

- I. Non habet hic locum, Aristotelis illud. A privatione ad habitum non datur regressus.*
- II. Negantes Resurrectionem mortuorum, derogant omnipotentia Divinæ.*
- III. Falsa est opinio Durandi & aliorum Reproductionem rei ejusdem numero limitantium, ad solos Homines.*

IV. Errant qui reproductionem rei ejusdem numero, limitant ad solas Substantias.

V. Etiam Accidentia quæ in sui unitate numerica non pendunt ab unitate Temporis, supernaturaliter possunt reproduci eadem Numero.

CONCLUSIO V.

NVlla res Successiva semel corrupta, amplius villo modo (hoc est nec naturaliter nec supernaturaliter) potest reproduci eadem Numero.

COROLLARIA

I. Motus semel interruptus, si rursus incipiat, jam non est idem Numero.

II. Actio dependens ab aliquo Motu, hac eadem nullatenus redire potest.

III. Tempus elapsum, hoc idem, nullâ virtute revocari potest.

IV. Accidentia quæ in sui unitate Numerica pendent ab unitate temporis, hac ipsa nequaquam restitui valent.

V. Innocentia semel amissa, & Virginitas deperdita, ratione præteriti, sunt omnino irrecuperabilia.

Soli DEO Honor & Gloria.




Permissu Magnifici Domini

R E C T O R I S.





11. 311



Biblioteka Jagiellońska

